

33

5. apríl

X. Heilbrigðismál.

22. gr.

Um hollustuhætti skóla og heilsuvernd barna fer eftir reglugerð, sem heilbrigðisstjórnin setur og öðrum þeim ráðstöfunum, sem skólastjóri og skólanefnd telja þörf á og koma sér saman um á hverjum tíma.

Reglugerð þessi staðfestist hér með.

Í kennslumálaráðuneytinu, 5. apríl 1940.

Hermann Jónasson.

Gústav A. Jónasson.

34

5. apríl

REGLUGERÐ

fyrir barnaskólann í Austurbæjarskólahverfi Reykjavíkur.

I. Stærð skólahverfisins.

1. gr.

Austurbæjarskólahverfi nær nú yfir austurhluta Reykjavíkurbæjar, og eru takmörkin þessi: Að austan: Hús við allar götur, sem liggja að vestanverðu að Defensorsvegi, lina frá Tungu í Vatnsgeymi, Sogavegi, Seljalandsvogi, Mjóumýrarvegi og Bústaðavegi. Að sunnan: Fossvogur og Vatnsmýri. Að vestan: Öll hús við Njarðargötu og Urðarstíg og götur, sem liggja að Óðinsgötu að austanverðu, og öll hús við Týsgötu og að austanverðu við Klapparstíg. Að norðan: Sjórinna.

II. Tilgangur skólans.

2. gr.

Tilgangur skólans er:

- að kenna nemendum háttprýði, hafa heillavænleg áhrif á skapgerð þeirra, hugsunarhátt og siðferði;
- að efla líkamlegan þroska og heilbrigði nemenda og
- að veita nemendum lögboðna fræðslu.

III. Skólaskylda.

3. gr.

Öll börn í skólahverfinu á aldrinum 7—14 ára eru skólaskyld. Skólaskylda hefst 1. maí það ár, sem barn verður 7 ára, og lýkur með fullnaðarprófi það ár, sem það verður 14 ára.

Skólanefnd getur veitt, eða heimilað skólastjóra að veita, einstökum börnum undanþágu frá skólavist, ef trygging er fyrir því, að barnið njóti utan skóla lögboðinnar fræðslu. Skýra skal frá öllum undanþágum í ársskýrslum til fræðslumálastjóra.

4. gr.

Barn skal undanþegið skólaskyldu:

- ef sannað er með læknisvottorði, að það megi ekki ganga í skóla;
- ef sannað er með hæfileikaprófi, sé þess kostur, en annars með vottorði kennara

og skólalæknis, að barnið skorti andlega eða siðferðilega hæfileika til að stunda nám með öðrum börnum. 34

5. apríl

Skólastjóri og skólanefnd skulu hafa hönd í bagga með forráðamönnum þessara barna um, að þau njóti þeirrar fræðslu, sem samsvarar hæfileikum þeirra og kostur er á í landinu.

IV. Kennslutími og leyfi.

5. gr.

- a. Börn, sem verða 7 ára á árinu, byrja skólavist 1. maí.
 - b. Börn á aldrinum 7—9 ára komi í skólann 1. september og ljúka skólavist 15. júní næsta ár.
 - c. Börn, sem verða 10 ára á árinu, komi í skóla 1. september og ljúka skólavist 1. maí næsta ár.
 - d. Börn 11 ára og eldri komi í skóla 1. október og ljúka skólavist 1. maí næsta ár.
- Heimilt er skólastjóra, í samráði við skólanefnd, að undanþiggja barn skólavist eftir 1. maí vegna sumardvalar eða sumarstarfs, enda sé kunnáttu barnsins og aðrar ástæður ekki til fyrirstöðu.

6. gr.

Kennsla fer fram dag hvern samkvæmt stundaskrá.

Skólastjóri semur eða lætur semja fyrir byrjun hvers skólaárs starfsskrá fyrir skólaárið og leggur hana fyrir skólanefnd til samþykktar. Afrit af henni sendist til fræðslumálastjóra, þegar þess er óskað.

7. gr.

Leyfi skulu vera þessi: 1. Fyrsti desember. 2. Jólaleyfi frá 20. desember til 7. janúar að báðum dögum meðtöldum. 3. Óskudagur. 4. Páskaleyfi frá pálmásunnudegi til þriðja í páskum að báðum dögum meðtöldum. 5. Sumardagur fyrsti. 6. Fyrsti maí. 7. Hvítasunnuleyfi frá laugardegi til þriðjudags að báðum dögum meðtöldum. 8. Sumarleyfi frá 16. júní til 31. ágúst. Auk þess er skólastjóra heimilt að veita leyfi einn virkan dag í hverjum mánuði.

V. Kennarar.

8. gr.

Kennslumálaráðherra setur eða skipar fasta kennara og ákveður starfssvið þeirra og réttindi samkvæmt lögum um skipun barnakennara og laun þeirra. Stundakennara og forfallakennara ræður skólastjóri í samráði við skólanefnd. Annað starfsfólk skólans ræður bæjarstjórn að fengnum tillögum skólastjóra og skólanefndar, og ákveður því laun. Ef þurfa þykir skal setja fólki þessu erindisbréf.

9. gr.

Skólanefnd hefir umsjón með skólahaldinu, sem er á ábyrgð skólastjóra og hefir hann umsjón og eftirlit með nemendum, kennurum og öðrum starfsmönnum skólans, skólanum og öllum eignum hans og áhöldum, samkvæmt sérstöku erindisbréfi.

VI. Nemendur.

10. gr.

Börnin skulu vera úti í stundahléum, þegar veður leyfir að dómi kennara.

Valdi nemandi skemmdum á skólanum eða því, sem honum er viðkomandi, er framfærendum hans skylt að bæta skaðann.

34

5. apríl

11. gr.

Börn skulu hafa með sér bækur og önnur áhöld, sem með þarf, eftir fyrirætlun kennara. Nú verður misbrestur á því, þrátt fyrir ítrekuð tilmæli kennarans, skal hann þá leita til skólastjóra, en skólastjóri til skólanefndar og er henni skylt að bæta úr þessu. Kostnaður, sem af þessu leiðir, skal greiddur úr bæjarsjóði, sem önnur gjöld til skólahalds, en endurkröfu á hann á hendur framfæranda barnsins, sé efnaleysi ekki um að kenna.

12. gr.

Börn, sem sýkjast af næmum sjúkdómi, mega ekki sækja skólann fyrr en þau eru læknuð að fullu og öll smitunarhætta hjá liðin.

13. gr.

Geri barn sig sekt um ósæmlegt athæfi eða brjótí í bága við settar reglur skólans og fyrirskipanir og láti ekki skipast við fortölur, getur skólastjóri vísað því burt úr skólanum um stundarsakir, þó eigi lengur en um tvær vikur. Nú telur skólastjóri nauðsynlegt að vísa barni burt úr skóla fyrir fullt og allt, sakir siðleysis eða einstakrar óhlýðni. Leggur skólastjóri þá málið fyrir skólanefnd, og getur hún þá ákveðið brottvikninguna í samráði við hann. Ákvörðunin skal þegar tilkynnt barnaverndarnefnd, sem ber að sjá um, að barninu verði komið fyrir á góðu heimili í sveit eða sérstöku hæli, ef þess er kostur. Geti framfærandi barnsins fyrir fátæktar sakir ekki staðizt þann kostnað, sem af þessu leiðir, skal hann að einhverju eða öllu leyti greiddur úr bæjarsjóði, sem önnur útgjöld vegna fátæktarframfærslu eða barnafræðslu, nema öðruvísi verði ákveðið með sérstökum lögum um meðferð vandræðabarna. Barnið er fræðsluskylt og prófskylt eftir sem áður.

VII. Próf.

14. gr.

Öll börn, sem verða fullra 8 ára á árinu, eru prófskyld á hverju vori þar til þau lúka fullnaðarprófi. Undanþágur frá prófskyldu má engar veita, nema þegar sjúkdómur, sannaður með læknisvottorði, eða aðrar knýjandi ástæður séu fyrir hendi.

15. gr.

Að jafnaði skulu börn ljúka fullnaðarprófi á því ári, er þau verða fullra 14 ára. Skólanefnd er þó heimilt í samráði við skólastjóra að veita yngri börnum fullnaðarprófsleyfi (sbr. prófreglugerð), þegar tryggt er, að þau njóti framhaldsfræðslu til 14 ára aldurs.

Nú nær 14 ára barn ekki fullnaðarprófi í íslenzku, skrift eða reikningi, og er það þá skólaskylt og prófskylt næsta ár í öllum téðum greinum.

16. gr.

Skólastjóri og prófdómari gefa út prófvottorð, sem afhendist hverju barni, er stenztt fullnaðarpróf. Fullnaðarprófsvottorð má þó ekki afhenda þeim börnum, sem fá aldursundanþágu, fyrr en full vissa er fengin um framhaldsnám.

VIII. Dagbækur og skýrslur.

17. gr.

Skólastjóri sér um að þessar bækur séu færðar og hefir þær í sinni vörzlu: 1. Prófbók, 2. Dagbók, 3. Bréfabók, 4. Nemendaskrá.

18. gr.

34

Skólastjóri varðveitir fræðslulög, reglugerðir, námsskrá, erindisbréf, dagbækur, 5. apríl skólaskýrslur og annað, sem fræðslu barna varðar.

19. gr.

Skólanefnd sér um, eða felur skólastjóra, að semja og senda allar skýrslur um skólahald, skólahús, kennsluáhöld, fjárhag og hvað annað, er að skólahaldi lýtur og fræðslumálastjórnin mælir fyrir um.

IX. Námsgreinar.

20. gr.

Þessar námsgreinar skal kenna:

1. Íslenska (lestur, réttritun, málfræði).
2. Skrift.
3. Reikning.
4. Áttagafræði (þar á meðal umferðarreglur og reglur um velsæmi á almannafæri).
5. Kristinfræði.
6. Sögu, landafræði og náttúrufræði, þar á meðal um áhrif vins og tóbaks.
7. Söng.
8. Teikningu.
9. Handavinnu.
10. Leikfimi.
11. Sund.
12. Matreiðslu.

Auk þess má kenna erlend tungumál þeim börnum, sem orðin eru vel læs, skrifa móðurmálið ritvillulítið, og kunna skil á íslenskri málfræði.

21. gr.

Um stundaskrár, námsefni og tilhögun prófa fer eftir námsskrá og prófreglum, sem fræðslumálastjórnin setur.

X. Heilbrigðismál.

22. gr.

Um hollustuhætti skóla og heilsuvernd barna fer eftir reglugerð, sem heilbrigðisstjórnin setur og öðrum þeim ráðstöfunum, sem skólastjóri og skólanefnd telja þörf á og koma sér saman um á hverjum tíma.

Reglugerð þessi staðfestist hér með.

Í kennslumálaráðuneytinu, 5. apríl 1940.

Hermann Jónasson.

Gústav A. Jónasson.